

الكنز

الكنز اللى بنحلم بيه	ونتمنّى في يوم نلاقيه
وندور عليه أتاريه	جوانا ولاحاسيين بيه
فيه الذهب والماس	مش عند كل الناس
ولو في يوم إنداس	حانكي دم عليه

الكنز اللى بنحلم بيه

العقل زينّه وكنز	ونعمه للإنسان
من غيرّه تضيع ماتحس	إنك بقيت حيوان
ليه تسيبّه للإدمان	وتّوه مع الدخان
وتعيش حزين حيران	ياريت تحافظ عليه

الكنز اللى بنحلم بيه

القاتل والمجنون	الطيب والفرعون
بني آدم مالي الكون	عقله اللي بيغويه
وياويله لو شط وغاب	وماخدش بالأسباب
يتحوّل حلمه لسراب	ويضيع أماننا فيه

الكنز اللى بنحلم بيه

